

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 462678 24 St
Tuzla, 26.08.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad stečajnim dužnikom „LINEA-PROMET“ d.o.o., za unutrašnji i vanjski promet roba i usluga Tuzla, Patriotske lige br. 8, nakon provedenog prethodnog stečajnog postupka donio je dana 26.08.2024.godine sljedeće:

R J E Š E N J E

OTVARA SE stečajni postupak nad imovinom dužnika „LINEA-PROMET“ d.o.o., za unutrašnji i vanjski promet roba i usluga Tuzla, Patriotske lige br. 8, MBS: 1-8842, JIB: 4209584640007, račun broj: 5550530004596676, otvoren kod Nova Banka a.d. Banja Luka.

Za stečajnog upravnika imenuje Amir Mujezinović iz Tuzle. ul. Armije RBiH br. 13.

ZAKLJUČUJE SE stečajni postupak nad imovinom dužnika „LINEA-PROMET“ d.o.o., za unutrašnji i vanjski promet roba i usluga Tuzla, Patriotske lige br. 8, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St 462678 24 St od 14.05.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „LINEA-PROMET“ d.o.o., za unutrašnji i vanjski promet roba i usluga Tuzla, Patriotske lige br. 8, a za privremenog stečajnog upravnika imenovan je Amir Mujezinović iz Tuzle, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 11.06.2024.godine. Iz izvještaja privremenog stečajnog upravnika proizilazi da je djelatnost društva bila trgovina, odnosno trgovina na malo obucom i proizvodima od kože. Da je društvo imalo poslovne aktivnosti do 31.12.2010. godine, kada je donijelo Odluku o prestanku rada tj. do 18.01.2010.godine, kada je ovaj sud donio rješenje o prestanku broj: 032-0-Reg-11-00019, od 18.01.2011.godine. Zatim, stečajni upravnik je utvrdio da je osnivač i direktor društva Altijana Mrkonjić - direktor bez ograničenja, da društvo nema zaposlenika već više od trinaest godina, niti pokretne i nepokretne imovine. Društvo ne posluje jer mu je račun broj: 5550530004596676, otvoren kod Nova Banka a.d. Banja Luka, blokiran. Da stečajni dužnik ne raspolaže imovinom kojom bi pokrio troškove stečajnog postupka i da stečajni dužnik nema poslovnih prostorija jer je prestao sa poslovanjem prije više od trinaest godina, tj. da je poslovanje istog prekinuto i da ne postoji mogućnost nastavka poslovanja.

Društvo ima obaveze i to: za poreze i to u iznosu od 6.659,42 KM, za kamate na gore navedene poreze 4.790,28 KM, za troškove prinudne naplate PU 574,96 KM, obaveze za uzete kredite 1.300,00 KM, ostale obaveze uključujući i razgraničenja 2.240,00 KM. Stečajni upravitelj je mišljenja da su ispunjene pretpostavke za otvaranje stečajnog postupka nad imovinom dužnika „LINEA-PROMET“ d.o.o., za unutrašnji i vanjski promet roba i usluga Tuzla, Patriotske lige br. 8.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Službenim novinama F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 27.06.2024. godine pozvao predlagачa, povjeriоce i sva zainteresovana lica da u roku od 30 dana od dana objavljivanja poziva u službenim novinama uplate iznos od 4.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagач, povjeriоci i sva zainteresovana lica objavljeno je u Službenim novinama F BiH broj 55/11 dana 17.07.2024. godine, oglasnoj tabli suda dana 27.06.2024. godine i na web stranici suda.

Obzirom da u ostavljenom roku koji je propisan zakonom povjeriоci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Stečajni sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjeriоci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.

